

Соколёнок



1/2018

январь-февраль

Лашын



БАЛАЛАР УШИН ЭКИ АЙДА БИР КЕРЕ ШЫГАТАГАН РЕСПУБЛИКАЛЫК ЖУРНАЛЫ



Дагыстанның келеектегиси

Янзы

Йылдың кешеси

Басланады
Янзы йылдың кешеси.
Оны баъри
Коптен бери саклаган.
Оърметлейди
Эм сыйлайды аър киси.
Сав дуныя
Суыйип ога караган!

Ер юзинде
Шатланады савлай халк.
Берекетин
Эм наъсибин аькелген.
Карт Бабай да
Суыйинип эм болып шат,
Янзы йылы
Келгенлей ок коьринген!

Шатлык, шатлык,
Ол да аьруьв баслансын:
Эм де сизге билдирейим,
Онынъ аты: ЯНЪЫ ЙЫЛ!





...Янзы йыл ман!

(хабар)

Меним йеним Камиль абли ушин ясына барады. Атасы-анасы ман Янзы йылдын алдында, 31 декабрь куын, бизге янзы йылды бирге карсы алмага келген экен. Не себептен келгенин, мага да эм тетейине де токсан кере кайтаралап турды. Сонъ бизди койып, уйдеги баскаларга айтып алды. Абли ол соьзлерди толы кепте айтып болмайды. Биревин орысша айтса, баскасын ногайшылатып айтады. Биз ога да суйинемиз: йенимиз аз-коьп болса да, бизи мен хабарласады. Атасы-анасы ман калада яшаса да, оны эки тилге уйретпеге шалысадылар - ана тилимизге эм орыс тилине. Камиль абли уйде анасы ман. Бираздан сонъ яслиге берилеек болар.

Абли онынъ айтатаган соьзлерине баьри де тамаша этедилер эм куванадылар. Тетейине сав куын узагы: – Тетей-ка, дай-ка, Тетей-ка, Бер! – деп бездиреди. Тетеси не этсин, «баладынъ баласы балдан таьтли» деп, басын сыйпайды, айтканын этеди.

Янзы йылды карсы алмага баьри уйдегилер де йыйылдылар. Олтырамыз, ашаймыз эм обтип

бараятырган эски йылда болган затларды эске туьсиремиз.

Янзы йылдынъ занъы да соьгылды. Бир – биримизди кутлаймыз, кушаклаймыз... Эм айтамыз: – Келген Янзы йылынъызбан, хайыры ман! – деймиз. Камиль де атасына, анасына эм тоьгеректегилерге карайды, карайды. Сонъ атасына янасады эм кулагына бир затлар айтады. Ога атасы ман, анасы да бир зат айттылар. Аьне сол вакыт йеним олтырган ериннен ювырып мага келди де, кушаклады эм баьрисине де коьз карасын таслап: – Атай-ка! Атай-ав! Новым годом! Янзы йыл ман! – деп, мени кутлап турмаса!

Мен ога: «савбол, балам, савбол! Эндигиси тетейге де соьйтип айтшы! – дедим.

Тетейин кушаклап: – Подожди... – дейди. – Сонъ бирден йигерленип: – Новым годом! Янзы йыл ман! – деп, савлай боьлмеге кышкырды. Биз суйиндик. Эм оны да сосы келген Янзы йыл ман тагы да кутладык... Янзы йылымыз биринши такый-кадан алып ойын-куьлки мен басланды. Иншалла, соьйтип те обтпеспе экен!..





„Туллар“ кавлемин сынайды

Меним суыйикли айваным

Меним Кузя атлы ийтим бар, кара туйсли, кишкей бойлы, бек ыспайы! Кешелерде ийтимнинъ коьзлери янадылар, ят аьдемлерди коркытадылар. Ийтим мен бирге «Васька» атлы мысыгым дос болганына баьрисининъ де тамашасы келеди. Неге десе бурыннан алып урсысып яшайтаган аьдемлерге «Ийт пен мысыктай болып яшайдылар» деп айтканлар. Олай болганда, меним айванларыма карасанъ – олар экевлери бек татымлар, олар – дослар деп айтпага болады. А мени мен болса олар айлак та ювык дослар! Мен мектебке кетип бараятырсам, ийтим мунъаяды эм улыйды, мен ога языксынып карайман: «Кузя! Кузя! Мен 6 деристен сонъ келермен, саклап тур!» – деп басын сыйпап, ас берип кетемен. А ол болса, артымнан калмай юрип баслайды, тап мектебке дейим мени мен барады, сонъ артына бурылып кайтады. Мектебтен келип, азбар капысын ашканда ок, ол каргып алдыма шыгады эм аякларыма суыйкеленип баслайды. А мысыгым болса, уйде мага ябысады. Эне сондай меним суыйикли уй айванларым!

*Камилла Заретова, 5
кл окувшысы, Карагас авыл
«Туллар» куьби.*



Шайырди ырметлеп



Озган йылдынъ караша айнынъ 15-нде район китапханасында уйкен шайырлик байрам озды. Ол белгили ногай шайиримиз, Россия язувшылар эм журналистлер Союзынынъ агзасы Магомед - Али Хановтынъ яратувшылыгына эм мерекесине багысланды. Йолыгысты уйгынладылар эм йогары аьлде юриттилер бас библиограф Курпаева Сапихан Зартуьв кызы эм китапхана методисти Алиева Тавжан Анвар кызы. Шайырдинъ

яшавы - онынъ ятлавларында - сол яшав йол акында китапхана куллыкшылары озь соьзлеринде толыша айтпага шалыстлар. Кадрия атлы орта мектебининъ окувшылары озь оқытувшысы Нурманбетова Мархаба Базарбай кызынынъ етекшилеви мен бу йолыгысты эстеликли, кызыккы эттилер. М.-А. Хановтынъ толкынлы сыдыралары олардынъ авызларынан боьтен де аьлемет болып занъырадылар. Алим Бекбулатов «Аюв», Ренат Уразаев





«Бузлавык», «Санамаклар», Эмина Суюндикова «Мен аврыдым», Диана Сагиндикова «Бала эм ямгыр», Эмина Мансурова «Оьмирлер», Азизбек Кельдасов «Тавык эм куртка», Азиза Мусаурова, Абдул Отаров «Ялгызлык», Рамазан Курмангазиев «Борригоьз», Амина Кульниязова «Юма» деген ятлавларын усташа оқыдылар. Солай ок окувшылар «Кирпи эм тавшан» деген ятлавы сценка этип коьрсеттилер, «Ах сени эриншек дуныя» деген монолог оқылды. Шайирдинъ яшав йолы акында презинтацияды абзирледилер эм коьрсеттилер Залина Кильжанова эм Мадина Баймухамбетова 11-а класс окувшылары.

Йолыгыска конакка келдилер эм шайир акында йылы обзлерин айтылар: Оразбаева Фатима Кузей кызы - Магомед Хановтынъ оқытувшысы. Кудайбердиев Яхъя Таймасхан улы - КЧР эм РД ат казанган маданият куллыкшысы, Магомед Кожаев - Россия язувшылар эм журналистлер Союзынынъ

агзасы, Бальгишиев Каирбек Сейдахмет улы - район уьлкетанув уьйининъ директоры, Салимет Майлыбаева - Россия язувшылар эм журналистлер Союзынынъ агзасы, Нурманбетова Мархаба Базарбай кызы - Кадрия атлы орта мектебининъ тувган тил оқытувшысы, Сагиндикова Галима - «Шоьл тавысы» газета журналисти, Межитова Марина Арслан кызы - Дагыстаннынъ ат казанган оқытувшысы.

Магомед-Али Ханов бабри йыйылган конакларга, Кадрия атлы орта мектебининъ окувшыларына, сосы йылы йолыгысты озгарган китапхана куллыкшыларына уьйкен разылыгын билдирди эм бир неше ятлавларын оқып эситтирди. Йолыгыс коьп заманган эсте сакланаягына шек йок. Шайиримизди мерекеси мен кутлап, ога берк ден савлык эм бийк уьстинликлерди йорайман.

Салимет Майлыбаева, шайир.



Турк поэзиясында Куьлжилли сьдыралар

Аты сав дуньяга белгили турк шайири Фазыл Хюсю Дагларшы 1914 йыл Стамбул каласында тувган.

Ятлавларын 6 ясында язып баслаган болган. Оьзи язып билмегенге коьре, аьптеси онынъ баьри язганларын оьзи алдына айырым кагытка язып алатаган болыпты. «Шайирлердинъ шайири эм устасы» дейдилер ога. Онынъ язганлары коьплеген баска тиллерге де коьширилген. 1974 йыл Фазыл Хюсю Дагларшы Югославияда Струга деген калада оьткерилген

шайирлерининъ ярысында «Алтын кас» деген йогары савгага тийисли этилинген.

Ол онавдан артык китаплердинъ авторы болып саналады. Балалар уьшин де коьплеген затлар язып калдырган. Айтадылар, яшавда бек маскарашы эм шат коьнъилли аьдем болган деп. Оьзи йок болса да, язганлары халкынынъ авызында айтылып келедилер. Онынъ ятлавларында да сол куьлжилди таппага кыйын тувыл.

Аьли шайирдинъ бир неше ятлавларын беремиз.

Куьлемсирев

Анам да
Куьлемсиреп
Карайды
Меним юзиме.
Мен мектебке
Барганда.
Куьлерме экен
Меним маьлимим —
Коьрсетсем
Мен тептерим.
Оьзине карап
Коьзим салганда!



Мектебке

Юргенге усайды
Булар мектебке,
Шымшыклар.
Ол саялы
Олар туралар,
Эртенъги
Танъгы шакта
Колларында
Бар таяклар –
Суьвретлер
Де ясаяклар!
Доьрт эм бес те
Алаяклар!




Канатларыныыз ЫЗЫН...

Канатларыныыз ызын
Бийик коьктен
Куслар излейдилер.
Канатыныыз ызын
Сол кустынъ –
Кавжайып картаьган.
Юриси токтаган.
Канат ызы ман
Ювырган
Эртеги де бизге
Келеегин биледилер...



Куьн эм кеше

Уянганда балалар,
Куьн коьзи тувьп кала,
Кара—ол кона, конар!
Бала уйклап басласа,
Кеше калкыга
Келип олтырар,
Балаларга янаса.
Суье болсанъ,
Тур, тур, сен де кара!



Суьйине..



Анам эртенъ мен
Суьйинип элтей
Мени мектебке.
Собйлейди оьзи,
Куьледи токтап.
Разыдай больш
Оьзи—оьзине.
Анам меним
Бек суьйине,
Мен оьзин
Элтегендей!
Аьр куьн мектебке!

Ан. Култаев коьширген.



„Шолпан“ атлы балалар бавы



Каралдыда куыз сувыгы ман шымтып, ямгыры ман шийкентип басласа да, «Шолпан» атлы Нариман авылда озган йылдынъбалалар бавында кызыклы эм исси. Мунда ялкпага заман йок караша айнынъ тогызында тербиялавшы Исако-ва Марина Тунгатар кызы спорт ойынын уйгынлаган, ол «Эртеги дунясына элгезерлик» деп аталган. Мырады: аыр бир аьелди физкультура ман, спорт пан кызыксындырув болады, балалардынъ савлыгына уьйекн эс эттирув, сав, куватлы, куышли саьбийлерди оьстирув. Ата-аналарга эм балаларга туьрли эртегилердинъ баьтирлериндей туьрли сынавларды оьтпеге туьскен: «Казлар-ак кувлар»,

(«Колобок»), «Май калакай», «Аленушка эм аданас Иванушка», «Бака - бийке». Байрамнынъ девизи: дуняда эртегилер коьп: мунълы эм куьлкили, оларсыз биз яшап болмаймыз. Эртеги баьтирлери бизге йылувлук берсинлер, аыр заманда





яхшылык яманлыкты енъсин. Сосы спорт ойынында катнасувшылар уйлерине коьтеринки коьнъил мен кайттылар.

Куьзги каникулларда болса «Шолпан» балалар ман кызыклы юмалык озгарды. Аьр бир куьн балалар озь озьнерлерин коьрсетип турдылар. Биринши куьн ногай ойындар ойнадылар: асык, аркан тартув, экинши куьн занъырған анъ ман биювлер бийидилер, уьшинши куьн йыр дуныясына коьмилдилер, доьртинши куьн озьлерин кишкей суьвретшилер этип сездилер, бесинши куьн болса, Аналар куьнине

багыслап, ятлавлар ярысында катнастылар. Сосы куьнлер балаларды даврендирдилер, олар кенъ ашылмага тагы да уйкен амал таптылар. Эне соьйтип балалар бавыннан мектебке саьбийлер канатланып кетедилер. «Шолпан» балалар бавы районымызда энъ куьшли ислейтаган бавларынынъ бириси болады, арув-талувды билмей куьлык этеди онынъ етекшиси Джумаева Гульфира Айнадин кызы. Ис йолдаслары ман бир тил тавып, яратувшылыклы авада онынъ аьр бир куьни озады.

Салимет Майлыбаева.



Адабият дослыгы беркийди

Кобплеген йыллардан бери аты савлай Россияга белгили шабйир эм кобшируувши, Астрахань областининь язувшылар Союзынынь правление председатели Юрий Щербаков пан басланган ийги аьдет - дагыстан язувшыларынынь эм шабйирлерининь язганларын Астрахань авторлары ман кобшируув эм баспалав аьр йыл сайын беркийди эм оьседи. Астрахань областининь кыскааяклы - шабйирлери де бу иске оьз косымларын аз салмайдылар демеге боламыз. Олай демек, Дина Немировская, Вера Котельникова, Ирина Левитан, Марина Лазарева эм баскалары Магомед Ахмедов-

тынь, Сувайнат Кюребековадынь, Бийке Кулунчаковадынь, Хаджи-Мурат Таибовтынь, Анвар-бек Култаевтынь, Эльмира Ашурбековадынь эм оьзгелердинь ятлавларын эм поэмаларын кобширгенлер эм оьзлерининь Астрахань ериндеги шыгатаган газеталарында, йыйынтыкларында баспаланганлар. Радиодан окыйдылар.

Адабият байланысы оьседи эм беркийди. Аьне сога айтады адабият дослыгы-халклар дослыгы деп. Сосы дослыкты беркитуув мыратта айтылган областьтынь бир неше кыскааяклы шабйирлерининь ятлавларын беремиз.

Ан. Култаев.

Астрахань

Дина Немировская

Меним калам
Ийниндеги коьги мен,
Бурынгыдан
Сосы ерде ол тувган.
Каналлар да
Ойнап куьннинь коьзи мен,
Язлык ава
Тыныгында коьп яткан.



Мен каламның

Бар наьсипли коьзлери.
Баркас сеси.
Эдиль бойы куслар сес.
Хатынлардың
Айтатаган соьзлери –
Калмай бир де,
Яшавшыда сесленмей.

Мунда Ер де

Ювырады бек куьшли.
Астраханьди
Баьрине де куьнлеймен.
Тереклерге
Кол яяман аьр куьн мен,
Авасын да
Ютпага бек суьемен!



Яшав сокпак

Бу каламнан басланган.
Эдиль толкын
Биле оны бек аьруьв.
Астраханым
Яшавым ман досласкан,
Сен мага-ав
Эм наьсибим, эм авьрув.



Әдиль йылга бойында

Әдиль уьсти
Кеше бирден йылтырай.
Бийик коькте
Юлдыз оьбе юлдызды.
Ай да оьзи
Сув ишинде балыктай,
Сувга басын
Тыга берип, карайды...



Онцнь аблин

Аьши олай

Билуьв мага бек кыйын
Ога карап
Козим алып болмайман.
Кеше йырай
Тереклер де йырларын,
Тынълап оны.
Мен-ав бир де тоймайман!

Неге бола, ким биле?!
Балыкшылар
Балык ыслап юреди...
Ай да ога
Йогарыдан сес бере –
Уясына
Эртенъги шак киреди!



Ногай тил эм адабият юмалыгы

Карагас авыл орта мектебинде ногай тил эм адабият юмалыгы югары аьде озды. Аьр бир класс «Тувган тилдинъ яшавдагы орны» деп аталган класс дерислерин юриттилер. Окувшылар ой язбалар ярысында белсен катнастылар, «Ногай тилин куьшли билувъшилер» деген ярыс кызыклы обтти. Ногай эм Дагыстан шайирлерининъ ятлавларын окув бойынша ярыста

22 окувшылар катнастылар. Бобтен де кызыклы эди «Поле чудес» (Аьлемет майданы) 7-8 кл арасында. Ногай соьзлерди шешувъ, барабан айландырув, баьри савгалары ман, эки акша кутыгы ман, досына тел согув ман ол тамам ушын ойынды коьрсеткендей болды. Юмалыкты уйгынладылар эм обткердилер ногай тил окытувшылары Нукова С.А. эм Кошанова Д.К.



ЮМАЛЫКТА КЫЗЛАР АС АЬЗИРЛЕП КОЬРСЕТЕДИЛЕР.



Ата юрт, халк эм баьширлер акында

Ата Юрт – атанънын уйиннен
артык.

Ата Юрт – алтын бесик.

Ата Юрт суьймеген – атасын да
суьймес.

Ата Юрттынъ басы болмасам да,
Босагасынынъ тасы болайым.

Ата Юрттай ер болмас,
Тувган Элдей эл болмас.

Авызынъ толы кан болса да,
канлыга билдирме.

Ериннен айырылган ети йыл
йылар,
Юртынан айырылган оьлгенше
йылар.

Юртын саткан бетин сатар,
Ийт – тойган ерине,
Эр кисе – тувган ерине.

Таьвекел аьдем тав ояр.

Тойган ерден тувган ер ийгиди.

Халк айтса, ялган айтпайды.

Халк карт болмайды.

Коркак кисе алды оьлер.

Эл алдында арслан да ятар.

Элин суьйген ерин суьер.

Эр табылар, Эл табылмас.


Эр кисе эл уьшин тувады,
Халк уьшин оьледи.

Аьзирлеген С.Култаева.



Суый эм бил овз еринъди!

Меним Дагыстаным



Айтадылар, дуныядынъ еринде каралмай эм уйренилмей калган муыйис йок деп. Болмага да болар. Белки, бар болса, сондай муыйисти бармак пан санамага да болады экен. Болса да суыйген эл акында яде онынъ айырым бир муыйиси акында билмеге суыйип, китап полкасына колларынъды созып койсанъ болады. Ондай китаплер де аз тувыллар.

Мен озим де Дагыстанда тувып, яшап, заблим ясларыма келген болсам да, онынъ савлайын яде аьр бир муыйисин билемен деп айтпага

болмайман, йигерим де бармайды. Тек болса да, Россия элининъ баска ерлерине бара калсам, Дагыстаннынъ акында-суыйсе тав ери, суыйсе-шоьллик болсын, билген эм коьрген затларымды айтпага аьр заман ымтылыслы болып тураман эм суьемен.

Босына айтылмайды, «ер аьлемет ярасык эм ондагы — аьдем де» деп. Бизим уйкен эм коьп боьлмели уйимиз - бизим Дагыстан. Булай алып караганда, озининъ табиятынынъ туьрли болувы ман, ыспайы, яркын, тек



оьз-оьзине усаган ер болып калмай, бу ер - ана топырагымыз - бек куллык суьетаган эм эр кылыклы, йигит кепли аьдемлердинъ ери. Мунда коьплеген культура эм дин авыспалы боладылар, оьзлери мен баскаланадылар. Бир татым аьелде эм дослык, кардашлыкта болып юзден артык халклардынъ ваькиллери яшайдылар эм аьрекет этедилер. Патриотизм, сыкласув эм ашыклык дегендей затлар кимик, дагыстаншыларда конаклык этуьв, юрек сырын шешуьв эм аьдиллик кылыклары олардынъ аьдетлеринде юз йыллап сакланып келгенлер.

Дагыстан - булай алганда, бийик коьктинъ астында турган бир ашык музей дер эдим. Эм онынъ оьзининъ аьр бир кишкей муьйиси халкынынъ кыйын эм баьтир таьрийхи мен байланыслы. Онда табиаат властине энъ де белгили, тисин ярган элгезерлер туьсип каладылар, тамаша этедилер. Айтпага, Дербент -РФ-сынынъ энъ де алды ериндеги

каласы эм дуныядынъ бурынгы калаларынынъ бириси. А Сулак каньоны болса, оьзининъ теренлиги мен Калорадскийден де терен, артык. Сары-Кум болса дуныя еринде энъ де уьйкен болган барханга саналады. Самур еринде болса бизим Россияда ялгыз деген субтропикалык орманлыгы ерлескен.

Бизим Дагыстан еринде баслары ман булытка тирелген ярасык тавлар эм бузлавыклар ман бирге, янасы болып аьлемет ясыл авлаклар эм шоьллик ери турады. Республика еринде Кумык шоьллиги эм Ногай шоьллиги деген аьлемет авлаклар да барлар. Республикадынъ кайсы муьйисине эм йылдынъ кайсы шагында бола калсам да, мунда яшав барлыгын ер мен коьктинъ косылувында, куьн коьзи мен карлардынъ йылтыравында, таслар ман шешекейлердинъ ийислеринде сезбеге боласынъ эм куьн сайын сезип келесинъ.

Дагыстан бойынша кыдырув - бу



бийик коьктинъ астында кыдырув тувыл, табияттынъ ярасыгы эм байлыгы акында, онынъ куьши эм юмысаклыгы акында, яшавдынъ маьнеси эм баалыгы акында поэтикалык ойлар. А ойлар болса, бас ишинде мынъ кере айлана берип, тоьгерек якка, тувган элимизге эм яшавга саклык кепте катнаслы этуьвди сакламага кереги акында айтады.

Буьгуьнги куьнлерде энъ де маьнели эсап - аталардынъ калдырган культура-таьрийхлик калымжасынсаклавэмбайытув, бир-биринъди анълавды эм дослыкты тутув. Аьне сол республика еринде йорык тутувдынъ куьшли табаны болмага керек.

Мен оьзим де сав оьмирим литератураманкаьршегип, биринши язганларымнан алып, мине бу куьнге дейим де Дагыстанымды эскерип эм айтып келемен. Муннан 55 йыл артта Карашай-Шеркеш еринде турып эм окыган заманымда республикадынъ бир аьлемет муьйиси – Ногай шоьли эм онынъ ярасык кызлары эсима туьсип язганман:

Карашайда бийик тавга минип мен,

Караногай булытларын коьремен.
Сол булытлар арасында, аьруьвим,
Ййисинъ бар, тыныс алсам,
сеземен...деп. Сонъ ога космонавт Джанибековтынъ аьели Лейла анъ язды эм йыр болды. Аьлиде ногайлар сол йырымды йырлап, коьнъилимди коьтерип келедилер.

Сондай суьйим эм ымтылыс Дагыстынга эм Ногай ерине оьмириме сакланган. Йыллар оьтип, Дагыстыннынъ акында булай деп язбай да болмадым:

Дагыстаным, Дагыстан,
Сени минен оьктем мен.
Дунья ийгилигин

Сенде турып, сеземен...
Сен коьнъилим, шатлыгым,
Мине деген – байлыгым...

Дагыстан республикасында дунья еринде энъ де уьйкен коьли деп айтылаган Каспий тенъизи де бар. Оны ман биз оьктеммиз. Ол да ятлавда болмай болмайды дер эдим:

Аягымды Каспий тенъиз ялайды,
Шалай толкын шоршып коькке етеди.

Дагыстан ман мен байладым бактымды,
Куьлким бирге эм кайгым да биргеди...

Дагыстанымашканмагакушагын,
Сен толкынынъ оьз шашымды сыйпаган.

Каспийимнинъ кол тиймеген толкыны –

Сырларымды ногай кызда ыслаган...

Дагыстанда Россия еринде уьшинши орынды тутуван язувшылар Союзы бар. Онынъ сырасында дагыстан халкларынынъ 14 тиллеринде язатаган 200 Россия язувшылар членлери де барлар. Оннан баскалай болып, дагыстан халкларынынъ 14 тилинде радиосоьйлесуьв эм телекоьрсетуьв де аьрекет этеди. 14 тилде литература, сонынъ ишинде, ногай тилинде де баспаланады: балалар уьшин «Лашын» журналы эм «Байтерек» журналы, «Шоьл тавысы» деп аталган республикалык ногай газетасы.

Аьне сондай, кыскаша айткан заманда, бизим коьп миллетли Дагыстан Республикасы. Бизим суьйдимли эм суьйикли еримиз, бизим ата-аналар ошагымыз.

А.Култаев, Махачкала.



Сав бол кызыл аьскерге

Уллы Аталык согыс йылларында ата-аналар ман бирге балалар да коьп кыйынлыклар коьргенлер. Солар акында аналар балаларына айтпай болманганлар. Эм сондай заманда тоьмендеги сыдыралар тувганлар. Олар да аз тувыллар демеге керек. Бугуьн бирисин беремиз.

Сенсинь меним юлдызым,
Уйкла, балам, юм коьзинь.
Ашлыкты да биз енъдик,
Ярыкты да биз коьрдик.

Душпан энди алмаяк,
Бизим ерде калмаяк,
Биз етермиз мыратка,
Уйкла, балам, юм коьзинь.

Сенсинь меним юлдызым,
Оьсип уйкен боларсынъ,
Оьз Элинъди суьерсинъ,
Мектебке барарсынъ.

Доьрт пен беске окырсынъ,
Бизим Кызыл Аьскерге
Уйкен сав бол айтарсынъ.
Уйкла, балам, юм коьзинь,
Сенсинь меним юлдызым.
Халк авызыннан язылып алынган.



«Дирекетши Ясымыз».

Мине соьйтип айтпага боламыз онынъ акында оькметсип.

Эльдар Идрисов - белгили эм абырай - сый казанган астраханлы таьрийхши - этнограф болады. Оьзи Астрахань каласында 1976 йыл 20 сентябрь куьн тувган. 1993 йыл каладынъ 27 номерли орта билим беретаган мектебин битирип, Астрахань патшалык педагогикалык институтынынъ таьрийхлик факультетине тувседи. Оны 1998 йыл «таьрийх эм право окытувшы» кесписи бойынша битиреди.


Ис аьрекетин Эльдар Идрисов Джанибеков атындагы Растопуловка авылындагы орта билим мектебиннен баслайды. 2001 йылдан алып Волгоград патшалык служба академиясынынъ Астрахань филиалында окытувшы. Аспирантурады баьри ягыннан да уьстинликке кепте биткен сонъ, 2004 йыл «Потестарно - политический процесс в традиционалистической этноспецифической среде (на примере народов Нижнего Поволжья)» темасына политология бойынша кандидатлык диссертациясын ийги кепте яклаган эм кандидат болган.

2006 йыл болса, Россиядынъ халк

хозяйство эм патшалык служба академиясынынъ Астрахань филиалынынъ директорынынъ орынбасары аьрекетин бардырады. Эльдар Идрисов нешеси йыллардан бери ерли ямагатынынъ миграция эм соькультура оьсуьв сораьларына багысланган излев проектлеринде белсен катнасып келеди.

А 2009 йылдан алып бу куьнге дейим «Эдиге» деп аталган но-гай культуранынъ Яслар орта-лыгын басшылайды. Эм онынъ президенти болады. Астрахань ериндеги миллетлер сораьы бойынша оьткерилетаган баьри де конференцияларда, симпозиумларда, йыйынарда, туьрли проектлеринде ортакшылык этеди. Озган йылдынъ ызында онынъ баславы ман эм аьрекетин мен «Баьри де сыдыраларым сага, меним Ногайым!» деп аталган ногай шаьирлерининъ ятлавлар йыйынтыгы Астрахань каласында орыс тилинде шыкты эм каладынъ Надежда Крупская атындагы область миллет библиотекасында презентациясы оьткерилди. Йыйынтыкка кирген ятлавларды эм дестанларды орыс тилине белгили шаьир-коьшируьвши Юрий Щербаков коьширген.

А.Култаев.



Кобк кус (Дагыстан эртегиси)

Бир кеде анъшылавга шыгады эм кыр айван артыннан барады. Сол заман терек уьстинде коьк туьсли кус коньп олтырады экен. Оннан бир йылтыравык шыгады эм тагы да ярык болып баслайды. Хан куска карайды эм сокыр болып калады. Тегераннан бир уьйин тавып алады.

Уллары оннан сорайдылар:

– Атай, сенинъ сокырлыгынънан дарман йокпа экен?

– Бар, - дейди хан, – Кобк кустынъ кушынын таппага керек.

Аданаслар таппага деп токта-садылар.

Бас дегенде уьйкен кардашы излевге кетеди. Ол дуньядынъ яртысын айланады, ама бир зат та тапайды.

Экинши кардашы да дуньядынъ яртысын айланады, ама бир зат та тавып болмайды.



Сол заман уьшинши аданас кетеди. Атасы ога заманынъды бос йойма, дейди, ама ол тынъламайды.

Ол коьп юреме яде аз юреме, юреди. Эм бир кере ак сакаллы сокыр картка рас келеди. Эм оннан коьк кусты коьрмединъме деп, сораиды.

– Йок, - дейди карт, – коьк кусты таппага бек кыйын. Уьйинъе кайтсанъ, яхшы болартагы...

Карт кайтип айтса да, йигит артына кайтпага суьймейди. Эм картка айтады:

– Мен мырадыма етпеге керекпен. Мени атам дуныяга оз-оззиннен эндирмеген.

Сол заман карт ога атын береди. Хан улы ат пан дуныядынъ яртысын айланып шыгады. Бир кере ат ога аьдем тавысы ман айтады:

– Эндигиси, йигитим, аруьв кепте олтыр. Падишахтынъ уьйине еткенлей, сен мени темир курыкка байла. Аь озинъ уьйге кир. Озинъди ийги кепте тутып болсанъ, коьк кус кайда экенин билерсинъ. Тутып болмасанъ - озинъ озинъди куьнаьле.

Ат бийик тамнан кыргыйды эм сол заман ок падышахтынъ азбары алдына келип калады. Падишах ханнынъ улын коьреди эм кышкырады:

– Эй, кулшыларым! Ол яктынъ аьдеми мунда кайдан келген, тири болып мунда бирев де аягын баспаган ерге?

– Эгер дейим ол сенинъ азбарынъда болса, ол сенинъ конагынъ, падишах, – дейдилер куллык шылары да.

Ханнын улы атын азбардынъ ортасына шыгарады эм темир курыкка байлайды.

– Аьшинеэтейик, – дейди падишах, – эндигиси меним уьйимде конакка патшага эткен сыйлыкты этинъиз. Уьйден еннеттен шыккандай болып шыксын!

Ханнын улы аьдетлерди ийги билетаган болыпты. Ол падишах пан озин тийисли кепте туткан эм юргисткен. Уьйден бир якка да

шыкпаган. Кулшылар ога бир зат та этип болмаганлар. Сол заман падишах айтады:

– Сен дуныядынъ баска ерлерин коьрмеге суьймейсинъме?

– Бар, - дейди сонда йигит яс. – Ол ер, коьк кус туратаган ери болар.

– Коьк кус сенинъ атынъ байланган курыктынъ уьстинде турады, - дейди падишах та. – Тек бир тири зат та ога коьтерилип аьлиге дейим болмаган.

– Аь мен этип карайым, – дейди сол заман хан улы да.

Ол озининъ атына барады эм темир курыкка коьтерилмеге тилейди.

– Озинъди, йигит, тут, - дейди ат та, – коьк кусты колынънан йиберме, ол сага тилемеге де болаяк. Мен уьшин деп тилесе, йибермеге боларсынъ.

Ханнынъ улы тагы да атына бек тартылады. Темир курыктынъ уьстинде коьк кус канатын каккан заманда, йигит коьзлерин ябады эм кусты кагып ыслаиды. Коькирегине кысады эм ерге карап кетеди.

– Йибертагы мени, йигит, йибертагы! – деп тийлейди коьк кус.

Атасы уьшин йигит кусты йибермеге де разы эди, тек тык деп эсине аттынъ соьзи туьседди.

– Ол заман мени атынъ уьшин йибертагы, мен сенинъ кыймасынъ боларман, – дейди сонда коьк кус.

Ханнынъ улы коьк кусты колларыннан йибередди эм сол ок вакыт падишахтынъ азбарында болады.

Мунда коьк кус ерге урынады эм ыспайы кызга айланады. Уьстинде аьлемет ыспайы коьк кийими де бар.

Ханнынъ улы коьп юрдиме яде аз юрдиме, коьп тавларды оьттиме яде йокпа, уьйине карап кайтады.

Хан уьйкен разылык пан ясларды йолыгады. Онынъ улы сол кусты кагып ыслаган вакытта, карттынъ коьзи коьрип баслаган эди.

Уьйкен той да этедилер. Сосы якларда сосы кыздан ыспайы кыз болмаган деп, аьли де айтадылар...

Коьширген З.Шугаипова.
СОКОЛЁНОК



ДОМАХЛАРДЫ ИЕШИП КАРАНЪЫЗ



Куйрыгы сыбырткыдай,
Эт берсенъ, карны толмас.
Илле десенъ, тап ондай
Иллеши ян табылмас.

Топ-тоггерек бети бар,
Кобзлери – эки танав.
Конар ери как терек –
Атын айтшы, бек керек!



Аркасында обркеши,
Бойы бир тав, тас кимик.
Аягына тегенек
Кирсе йылар, яс кимик!



Сабыр онынъ юриси,
Бар онда дав каркыра.
Кыста оъзи бир сабий –
Бармагын сорып тура!



Кроссвоор

2				
3				
4				
5				

Йогарыдан тоьменге:

Ногайлардынъ баьтири, А.Матросовтынъ йигитлигин кайтаралаган.

Солдан онъга

- 2.Собйлеп болмайтаган аьдем.**
- 3.Ногай районда авылдынъ аты.**
- 4.Бетте калдырылатаган тукьлер.**
- 5.Дуныяга уьйкен авырлык, зорлык аькелген арт.**



**Главное управление МЧС России по Республике Дагестан
и АО «Газпром газораспределение Махачкала»
ПРЕДУПРЕЖДАЮТ!**

При запахе газа
ЗВОНИ 04!



**Чтобы включить
плиту, сначала зажги
спичку, только потом
открывай газ!**



**Не устанавливайте
и не ремонтируйте
газовые приборы
САМОСТОЯТЕЛЬНО!**



Не обогревайте
помещение
**ГАЗОВОЙ
ПЛИТОЙ!**



Единый телефон доверия ГУ МЧС России по Республике Дагестан:
8 (8722) 39-99-99; www.05.mchs.gov.ru; @mchsdagestan

2018 йылы-ийт йылы не зат куьтемиз?

2018 йылы – ийт йылы. Ийт йылынынъ гороскопы

аьр бир обзининъ белгисине калай профессионааллык тармагында, солай ок обзининъ яшавында кайдай ды бир туьрленислерди болаяк кепте коьрсетеди. Сосы йылдынъ ийти – дурыслык суьетаган, акыллы эм обзин тутуп болатан айван. Ама кайбир логикасы да йок тувыл. Сосы йыл айларыишиндекоьплегенмаьселелерди шешув керек.

Баьри де ийги анълайды, ийттинъ кылыгынынъ сапаты – дослык болувды суьув эм аьр не затка сесленув. Бир ок заманда сосы айван бек сак. Аьне сол белгидинъ сапаты аьдемлерден ясырынып турмага кереги йогын, кайтарам, аьдил болув керегин эм аьр не затка саклык тутув керегин коьрсетеди. Кайбир заманларда обзинъди тутув керек, шыдамлы болмага керек. Ашувлык этпеген эм бир заманда да этпес. Оннан сонъ ийттинъ сары туьсли болувы яй ман, куьн мен эм шатлык пан келисип кетеди. Соны ман 2018 йыл коьплеген ийги эм яркын затлары болмага каратады.

Биз де 2018 йылы – ийт йылы аьр инсанга, аьелге, еримизге эм элимизге онъайлык, шатлык, тил бирлик эм анълав аькелгенин йораймыз!



Соколёнок Лашын

1/2018

январь - февраль

Иллюстрированный детский журнал.
Издается один раз в два месяца.

Учредитель

Министерство печати и информации РД.

Регистрационный номер
ПИ №ТУ05-00348 от 01.12.2016г.
выданный управлением Роскомнадзора
по Республике Дагестан.

Издается с января 1990 г.

Руководитель – главный редактор

Мурад Ахмедов

Редколлегия:

А.Исмаилов (зам. гл. редактора)
Т.Зургалова (отв. секретарь)
А.Култаев
Б.Кулунчакова
М.Авезов
С. Майлыбаева
С. Култаева (редактор выпуска)

Худ. редактор З.Даганов

Тех. редактор Т. Лузина

Художник номера А. Самарская

Формат 60x84 1/8.

Уч. изд. л. 3,7.

Уч. печ. лист 3,26.

Бумага офсетная.

Выход в свет 12.03.2018 г.

Тираж 305 экз.

Заказ №163.

Типография:

ООО «Издательство «Феникс».

Адрес типографии:

367018, РД, г. Махачкала, ул. Петра I, 61.

Редакция и издатель: Государственное бюджетное учреждение Республики Дагестан «Редакция республиканских литературных журналов «Соколёнок» и «Литературный Дагестан».

Адрес редакции и издателя:

367000, РД, г. Махачкала,
ул. Даниялова, 55.

Электронный адрес редакции:

litdag@mail.ru

Ногайский язык.

Индекс: на год - 63238,
на полугодие - 78432.

Цена свободная.